

31 ОКТЯБРЯ: Святаго апостола и Евангелиста Лукі.

Преподобнаго Іосифа Волоцкаго.

Вечером 30 октября

Изменяемое №1

На Господи возвах:

Стіх: Изведі из темніцы дүшу мою, исповѣдатися імени Твоему.

Стіх: Мене ждѹт праведницы, дондеже воздаси мне.

Стіх: Из глубины возвах к Тебе, Господи, Господи, услыши глас мой.

Стіх: Да бѹдут уши Твои внемлюще гласу молѣния моего.

Стіх: Аще беззаконія назиши, Господи, Господи, кто постоит; яко у Тебе очищѣние есть.

Глас 8. Что ты ныне нареку, Богоприятне,/ кивот златый Завета, егоже завеща Христос,/ реку, из рая истекающую нам,/ светило, умный свет просиявающее,/ светильник, Церковь всю осиявающий,/ хлеб жизни Божественныя трапезы,/ кратир духовнаго пива./ Моли спастися душам нашим.

Стіх: Имене ради Твоего потерпѣх Тя, Господи, потерпѣ душа моя в слово Твое, упова душа моя на Господа.

Что ты ныне нареку, Богоприятне,/ кивот златый Завета, егоже завеща Христос,/ реку, из рая истекающую нам,/ светило, умный свет просиявающее,/ светильник, Церковь всю осиявающий,/ хлеб жизни Божественныя трапезы,/ кратир духовнаго пива./ Моли спастися душам нашим.

Стіх: От стражи утрення до ноци, от стражи утрення, да уповает Израиль на Господа.

Что ты ныне, Боговидче, наречем,/ служителя тайн делательнейшаго Христовых,/ Скинии мысленныя начолохудожника мудра,/ скрижали изсекающаго благодати,/ закон написавшаго новейший,/ от Сиона происходящий/ и тобою проповедуемый./ Моли спастися душам нашим.

Стіх: Яко у Господа милость, и многое у Него избавление, и Той избавит Израиль от всех беззаконий его.

Что ты ныне наречем, славне,/ сокровище Небесных даров
твердое,/ врача душ и телес извѣстна,/ Павлова содейственника и
сошественника,/ деянія апостольская излагающа./ Многая, Лукó,
имена добродетель тебе сотвори./ Моли спастися душам нашим.

Стѹх: Хвалíte Гóспода всѹ языцы, похвалíte Егó всѹ людіе.

Что ты ныне, Богоглаголиве, провещáю,/ ученика, яко нам
благовествовал еси Христа,/ врача, яко стрáсти исцеляеши
душевныя,/ светильника, умный свет облистáвшаго,/ степень и
основание веры,/ ты бо нам написал еси всечестное Евангелие./
Моли спастися душам нашим.

Стѹх: Яко утверд́ся мѹлость Егó на нáс, и ѹстина Госпóдня пребывáет во вѣк.

Что ты ныне нареку́, чѹдне,/ зрителя мудрости учений нелж́ива,/
списáтеля Деяний апостольских учений,/ или столпá благочестия
непоколеб́има,/ или стѣну Церкви неразруш́имую./ Многая твоя,
Лукó, имена/ и бóльшая дарования./ Моли спастися душам нашим.

Слáва глас 6: Апостоле Христов, и Божественных догмáт спасáтелю,/ и церковное утверждение:/ ты яко истинно сущия во мрáце невѣдения сердца,/ зашедшая во глубинѹ отчаяния, уврачил еси Боговещаньми/ и спасл еси яко от бури треволнѣния,/ последователь быв сосуда избрáннаго, Павла, и ученик./ Тем молим тя, Лукó досточудне, Антиох́ианом удобрѣние,/ молися Спасу и Богу/ о иже верою совершающих присно честную память твою.

И ны́не, Богорóдичен: Кто Тебе не ублажит, Пресвятая Дево;/ кто ли не воспоет Твоего Пречистаго Рождества;/ безлетно бо от Отца возсиявый Сын Единородный,/ Тойже от Тебе, Чистыя, пройде,/ неизреченно воплощся,/ естеством Бог Сый,/ и естеством быв Человек нас ради;/ не во двою лицу разделяемый,/ но во двою естеству/ неслитно познаваемый./ Того моли, Чистая Всеблаженная,/ помиловатися душам нашим.

<далее см. основной Чин>

Изменяемое №2

Прокімен после «Свѣте т́хий»: *См. Прокимен дня <далее см. основной Чин>*

Изменяемое №5

По полиелѣи седáлен глас 4:

Премудрости ловительною тростию, умнаго моря глубину
возчерпая,/ из смертоносныя глубины верных души живоуловил
еси, Лукó всеблаженне./ Темже от Павла научён, все очистил еси
твое сердце осиянием Духа/ и догматами твоими языки просветил
еси,/ страстей недугования чудесы исцелил еси,/ Христа Бога за ны
присно моля/ спастися душам нашим.

Слава, и ныне, Богородичен: Имуще Тя, Богородице, упование и
предстательство,/ вражиих навет не убоимся,/ яко спасаеши души
наша.

<далее см. основной Чин>

Изменяемое №6

Степенна, 1-й антифон 4-го гласа.

Прокимен глас 4: Во всю зёмлю изыде вещание их, / и в концы
вселенныя глаголы их. *Стих:* Небеса поведают славу Божию,
творение же руку Его возвещает твердь.

<далее см. основной Чин>

Изменяемое №7

По 50-м псалме стихира глас 3:

Путеходив ты по Востании,/ Лукó всесвященне, со Клеопою/ во
град убо Еммаус,/ совопрошение творящу ти предста Господь,/
зраком непознаваемый,/ абие же, прием хлеба подавание,/ познал еси
Спасителя,/ Емуже молися даровати нам велию милость.

<далее см. основной Чин>

Изменяемое №8

Канон апостола глас 8.

Песнь 1

Ирмос: Песнь возснем, людие,/ Чудному Богу нашему,/ свободившему Израиля
от работы,/ песнь победную поюще и вопиюще,/ поим Тебе, Единому Владыце.

Колесница Божия пресветлая был еси,/ Всесвятое нося Имя пред
человеки, Лукó всечестне,/ колесницы и тристаты прелести
погружая крепко.

Струю приим жизни, зноём изсыхаемый безбожия, напоил еси
мир, Лукó всеблаженне,/ тучами Богоразумия,/ из чрева твоего
изскачущими.

Блистанием Духа, Лукó, и житія чистотою озаряем,/ яко молния, треблаженне, Богоданно сиял еси всей вселенней, просвещая верных сердца́.

Богородичен: Радуйся, всесвятый хра́ме, рунó Богорóсное,/ запеча́танный источниче бессмертныя Стру́й,/ стадо Твое, Владычице, сохраняй от всех ра́тных непленíмо.

Песнь 3

Ирмос: Несть свят, яко Господь,/ и несть праведен, яко Бог наш,/ егоже поет вся тварь:/ несть праведен, паче Тебе, Господи.

Возсияв, яко солнце, проповеданием,/ Церкви украсил еси, Лукó, утверждение,/ прелести мглу теплотою веры иста́ив, всеблаженне.

Скрижа́ли изсекл еси Боголепныя от ка́мене, пребогате, Божия воплощения,/ оскóрд имея Божественный язык твой и уста́ Богодухновенная.

Во óблак всесветлый входя́й/ и óблаком покрываемь,/ приял еси, премудре, Новый Закон,/ пёрстом Духа пи́санный на сердцы твоём.

Богородичен: Несть непорóчны, яко Ты, Владычице,/ и несть пречисты, паче Тебе, Всенепорóчная:/ во чре́ве бо Бога Слова вместила еси,/ Единого Многомилостиваго.

Седален, глас 8: Яко соше́ственник Павлов явился,/ различныя беда́ терпеливне претерпел еси,/ всехвальне Господень апостоле,/ и течение страданием совершив веры,/ с ним в вышних веселишися, блаженне./ Тем и миру Христово Евангелие проповедав,/ просветил еси подсолнечную всю, Лукó всечестне./ Моли Христа Бога грехов оставление подáти празднующим любовию святую память твою.

Слава, и ныне, Богородичен: Солнца óблаче разумнаго,/ Божественнаго Света свети́льниче златоковáнный,/ Нескверная, Небла́зная, Всенепорочная Владычице,/ омрачённую ду́шу мою ослеплением страсте́й/ безстрастна зарею просвети, молюся,/ и осквернённое мое сердце омьíй пото́ки умиления,/ покаяния же слезами,/ и от тимéния мя очисти дел моих, да любовию зову Ти:/ Богородице Приснодево,

моли Христа Бога/ прегрешений оставление подати ми,/ Тебе бо имею надежду, раб Твой.

Песнь 4

Ирмос: Из горы приосененная, Слово, пророк,/ Единья Богородица,/ хотяща воплотится, Боговидно усмотри/ и со страхом славословите силу Твою.

Море языков смутил еси, Богомудре,/ конь быв Всецаря,/ сланое неверствие солию Божественною ослаждая, приснославне.

Лук Христос напруг,/ пусти стрелу ты, Лукó, светло обоцрону,/ лучами сияюща благочестия и просвещающа наша души.

Страсти душ купно и телес твоих певцев уврачи, всеблаженне,/ таинственным рукоделанием,/ греха гнилость изрезуя, всемудре.

Богородичен: Невесто Божия, Марие Богородительнице,/ избави мя лютых прегрешений и бед/ и к тишины пристанищу и спасения Твоими молитвами направи.

Песнь 5

Ирмос: Утренююще вопием Ти,/ Господи, спаси ны,/ Ты бо еси Бог наш,/ разве Тебе ино́го не ве́мы.

Яко роса с Небес спадаючи, явился еси,/ прелести зной разоряя словесы твоими.

Страх во чреве твоём Божественный зачен,/ спасение породил еси заблудшим, апостоле.

На гору возшед, всеблаженне, добродетелей,/ всем Евангелие Царствия проповедал еси.

Богородичен: Марие, Богородице Безневестная,/ надежды врагов суетны сотвори/ и поющия Тя возвесели.

Песнь 6

Ирмос: Ризу мне подаждь светлу,/ одеяйся Светом, яко ризою,/ Многомилостиве Христе Боже наш.

Мудрости чашу испив,/ напоил еси всех познания Спаса Христа,/ Лукó всемудре.

Павлу соисходник избрався, Лукó всеблаженне,/ языки уловил еси мрежу, Богоглагольниче,/ догматов твоих.

Облак, тучу жизни нам оодждяющъ, явился еси, апостоле,/ от источник спасения истекающую.

Богородичен: Кумиров Разрушитель яко Бог/ бывшее Рождество Твое, Марие Богоневесто,/ покланяемо есть со Отцем и Духом.

Кондак глас 2: Истиннаго благочестия проповедника/ и тайн неизреченных риторра,/ звезду церковную, Лукú Божественнаго восхвалим:/ Слово бо его избра, с Павлом мудрым языков учителя,/ Един ведый сердечная.

Икос: Знанием обогатився Горнейшим от руки Владычни,/ вручен был еси языков жребиоимуществу, всехвальне./ Тем, житие распалив Словом, странам законоположник, Лукó, явился еси, паче Моисея:/ перстом Божиим, яко скрижали Богоначертанныя, тобою сложившася Духом, Божественную уяснил еси веру./ Тем и Христос ты прослави, Един ведый сердечная.

Песнь 7

Ирмос: Отроцы Богочестивии в Вавилоне/ образу златому не поклонишася,/ но посреде пещи огненныя орошаеми,/ песнь воспеваху, глаголюще:/ превозносимый отцев и нас Боже, благословен еси.

Ученик неизреченных тайн Христа Бога верен быв,/ Евангелие Сего Божественное проповедал еси верным, всемудре, глаголющим:/ превозносимый отцев и нас Боже, благословен еси.

Утворении добродетелей украшен явился еси, Лукó всеблаженне,/ Божественнаго благолепия зарями просвещаемь,/ и вопия непрестанно Творцу твоему:/ превозносимый отцев и нас Боже, благословен еси.

Испущая светоносныя лучи, якоже в нощи заря являемь,/ прелести тьму сиянием словес твоих,/ благочестно взывая, отгнал еси:/ превозносимый отцев и нас Боже, благословен еси.

Богородичен: Имея житие, словом, Боговидче, мудрости просвещено, Лукó,/ Девы Рождество явственно исписал еси и иконами любезно вообразил еси:/ Ейже покланяемся верно, Христа славяще.

Песнь 8

Ирмос: На горе святей прославльшася/ и в купинé огнём/ Приснодевы Моисеови тайну явльшаго,/ Господа пойте/ и превозносите во вся веки.

Росодательною мудростию словес твоих/ и тучами благодати Божественныя прелести пещь погасил еси,/ вестник Господень и священнопроповедник, Богомудре, быв.

Яко красныя но́ги твоя, всеблаженне,/ мир благовествующаго,/ всяк ум преизвестно преимúщь,/ егоже превозно́сим и славосло́вим во веки вся.

Свет мира просвещáти во тьме седя́щая/ яви́ тя Христос, óтца Существа Сияние, Господь Славы,/ егоже превозносим во веки.

Богородичен: Во утробе вселившагося Девы/ и от Нея страшно и паче слова/ древняго Адама обновившаго Господа поем и славословим во веки.

Пёснь Богорóдицы: Вели́чит душá моя́ Гóспода: <см. основной Чин>

Песнь 9

Ирмос: Тя, Неискусобрачную Матерь Бога Вышняго,/ Тя, паче ума́ рождшую Сло́вом воистину Бога,/ вышшую Пречистых сил,/ немóлчными славословлénии величаем.

Проповедник был еси всемирнаго спасения Евангельским проповеданием,/ священная же и благознаменитая трубá,/ вдохновением дýшущи Духа, показался еси,/ священноглагóльниче всечестне.

Деянии украшáемь Спасовых апостолов,/ сия от Бога подв́жим, верным написал еси,/ якоже образ одушевленный, присно пребывающь, объяв́ив,/ священнопроповедниче всеславне.

Стал еси убо, Лукó, якоже пости́г, Богоначальниче, желаний крайнейшее,/ Христу бо предстал еси,/ подаёмага от Него насыщался Боговидения./ Темже ты вси ублажаем.

Богородичен: Тя, Неприступнаго Бога носившую на объ́ятиих,/ на Небесех поемаго от всякия силы/ и Тобою нам дáрующа всегда спасение,/ Богомати, величаем.

<далее см. основной Чин>

Изменяемое №9

Светілен:

Лукó, Христов апостоле, тайнниче неизречённых и языков учителю/ с Павлом Божественным и Пречистою Богородицею,/ Еяже Божественную икону от любвѣ изобразил еси,/ моли, Боговидче, о нас, блажащих тя/ и совершающих священное твое успѣние, всеумудре тайноглагольниче.

Слава: Яко ученика благодати и спослѣдователя Павлова,/ и словописца изящнейша Божественнаго Евангелия похвалим;/ Слова бо воплощѣние и вочеловѣчение, и Страсти, блаженне, проповѣдал еси./ Тем сошедшеся верно, Лукó, достойно тя почитаем.

И ныне, Богородичен: Неизречённо бысть рождение Пренепорочныя Невесты,/ яко бывши чистѣйший храм, Богородице,/ Советом бо Превѣчным в Тя Всѣльшася,/ родила еси Бога Сло́ва./ Тем поюще Рождество Твое,/ величаем достойно, Всенепорочная.

<далее см. основной Чин>

Изменяемое №10

На стихóвне стихіры глас 5:

Благодать устнам твоим, Лукó,/ óгненным языком излияся, апостоле,/ и язык огненный показался еси,/ слова испущая света,/ света достойным проповѣданием;/ стрѣлы же палящия тьмы желающим,/ пища и уча честнее Евангелие,/ и воня жизненная Жизни воистинну хотящим явился еси,/ якоже Павел рече, егоже имел еси учителя:/ воня же смерти паки Жизнь не возлюбившим./ Но нам мир, и Жизнь, и свет подаждь, и велию милость.

Стих. Небеса повѣдают славу Божию,/ творение же руку Его возвещает твердь.

Познахом от словес твоих,/ якоже рекл еси, словес утверждение,/ яже рекл еси, Божественне тайнниче,/ понеже писати нам о вѣщих начал еси,/ о нихже извещен был еси,/ и якоже тебе предаша, иже испѣрва самовидцы;/ имже и ты равен был еси, служитель Слова воплощѣния,/ егоже по востании во Еммаусе видел еси/ и горящим сердцем с Клеóпою хлеб ял еси./ Того Божественныя теплоты/ и наша чтущих тя души исполни.

Стих: Во всю землю изыде вещание их/ и в концы вселенныя глаголы их.

Радуйся, един, написавый нам, еже радуйся,/ радуясь, Чистыя Благовѣщение/ и Сию Гóсподородíтельницу,/ рекша Крестителя из чрева,/ егоже написав, и зачатие, и Слова воплощение,/ искушения же и чудеса, словеса и Страсти,/ Крест и смерть, и Восстание,/ еже видел еси, и Восход,/ Духа же Сошествие,/ проповедник же деяния,/ и изряднее же Павлова,/ егоже показался еси соше́ственник,/ врач же и таинник,/ и светильник Церкви, юже соблюда́й всегда.

Слава глас 6: Всемудрый лóвче, святы́й ученичѣ,/ дѣлателью Спасов и проповедниче Того Страстѣй,/ иже тварь верою претекий/ и от прѣлести язýки собра́в,/ и Богу привѣд, яко воню́ добру́,/ на Небеса пости́гл еси./ Тем, предсто́я Судии всех, молися/ избáвити ны от беззаконий наших/ и в день Суда свободíтися от мýки,

И ныне, Богородичен: Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся, первыя клятвы Адама свободи./ Темже Ти, Всечистая,/ яко Божии Матери же и Деве,/ воистинну вопием немолчно:/ радуйся, Ангельски, радуйся, Владычице,/ предстательство и покрове,/ и спасение душ наших.

<далее см. основной Чин>

Утром 31 октября

Изменяемое №11

По 1-м стихослóвии седáльны *глас 3:*

Приидíte вси, апостола Лукú восхва́лим, яко кормчия,/ йдо́льскую бо лєсть упразднѣи и к Свету жизни возведѣ,/ и в Троицу вѣровати научѣ./ Темже днесь благочестно того почитающе вернии,/ славим Христа Бога нашего.

Слáва, и ны́не, Богорóдичен: *<далее см. основной Чин>*

Изменяемое №12

По 2-м стихослóвии седáльны *глас 3:*

Путешествовав ты по востании, Лукó всесвященне,/ с Клеóпою прóчее во град Еммау́с,/ вопроше́ние творя́щу ти, предста́ Господь образом прикровѣн,/ áбие же прием хлѣба подáние, познал еси Спаса:/ егоже моли даровати нам велию милость.

Слáва, и ны́не, Богорóдичен: *<далее см. основной Чин>*

Изменяемое №13

Тропа́рь глас 5:

Апостольских деяний сказателя/ и Евангелия Христова свѣтла
списателя,/ Лукѹ препетаго, славна сѹща Христове Церкви,/ песньми
священными святаго апостола похва́лим,/ яко врача сѹща,
человеческия нѣмощи,/ естества недѹги и язи душ исцеляюща/ и
моля́щаяся непрестанно за дѹши наша.

Тропарь преподобнаго Ио́сифа Волоцкаго, глас 5:

Яко постников удобрение и отцев красоту,/ милости подателя,
разсуждения светильника,/ вси вернии, сошедшеся, восхвалим/
кротости учителя и ересей посрамителя,/ премудраго Иосифа,
Российскую звезду,/ моля́щаяся Господу/ помиловатися душам
нашим.

<далее см. основной Чин>

Изменяемое №14

На хвалі́тех стихіры:

Сті́х: Сотвори́ти в них суд напісан./ Сла́ва сія́ бѹдет всем преподѹбным Егѹ.

Сті́х: Хвалі́те Бѹга во святѹх Егѹ,/ хвалі́те Егѹ во утверже́нии си́лы Егѹ.

Сті́х: Хвалі́те Егѹ на си́лах Егѹ,/ хвалі́те Егѹ по мно́жеству вели́чества Егѹ.

Глас 1. Христова ученика, Евангелия списателя мудре́йша,/ сосуда
избра́нна кра́сна,/ образ одушевлѣн, вернии,/ егоже во всех це́рквах
похвалá,/ Лукѹ апостола в пе́снях почтим,/ той бо проповѣда Божия
преславная чудеса,/ просветі́в яже на землі́ Богословия лучáми,/
благости ра́ди.

Сті́х: Хвалі́те Егѹ во гла́се тру́бнем,/ хвалі́те Егѹ во псалтíри и гѹслех.

Душ врачевствѹ, паче телѣс научі́вся хитрости, мудре,/ и обоѹду
вседѹбр показался еси,/ Божиего мудростию вдохновѣн;/ егоже
врачу́я дѹши же и телеса, Лукѹ всеблаженне,/ призываеши к
познанию, восперяеши к желанию Божию,/ человеки всегда
возво́диши на Небо,/ и о всех мо́лишися, восхваляющих тя.

Сті́х: Хвалі́те Егѹ в тимпа́не и ли́це,/ хвалі́те Егѹ во стру́нах и орга́не.

Удицею словѣсною,/ яже во глубинѣ невѣдения,/ яко ры́бы, внутрь
вше́дшия,/ привлекл еси к познанию Божию;/ Христу пищу добру́
принесл еси, всеблаженне,/ честь досто́дѹлжную, жизнь нетлѣнную,
Лукѹ священнейший./ Тем и апостол Христов был еси, мудрый
благовестник,/ сказáтель дѣятельных дел благодати.

Стіх: Хвалі́те Егѡ в кимв́алех доброгласных, хвалі́те Егѡ в кимв́алех восклиц́анія./ Всякое ды́ханіе да хва́лит Го́спода.

Глас 8. Прииді́те, вся тварь,/ истинно врача́ духовнаго/ и Спасова ученика, Луку́ приснопамятнаго,/ песньми похва́лим:/ сей бо безбожия недуг/ пома́занием Христовы купели уврачевá,/ и река́ми Боготочных вод от уст,/ одушевлéнная сéла Евангелия напо́й./ Тем изы́де пророчески вещáние его во вселенную,/ и молится спасті́ся душáм нашим.

Слáва: Даві́дски, соше́дшеся, вернии,/ в пёснях тайному витіи Сло́ва, Луце́ воззовем:/ язык твой трость пи́сменника яві́ся,/ Христа Скорописца украша́я зра́ки,/ к разуму язы́ков Божественнаго познáния;/ в немже проповéдал еси Евангелие/ и кúпно апостолов Дея́нія списáв./ Тем, предстоя Троице и Богу,/ моли́ся о душах наших.

И ны́не, Богорóдичен: <см. основной Чин>

[Изменяемое №15](#)

[Кондак:](#)

Истиннаго благоче́стия проповéдника,/ и та́ин неизрече́нных рі́тора,/ звезду́ церко́вную, Луку́ Божественнаго восхва́лим:/ Сло́во бо его́ избра́ с Па́влом му́дрым, язы́ков учі́теля,/ Еді́н ве́дый сердéчная.

Кондак преподобнаго Ио́сифа Волоцкаго, глас 8:

Житія́ треволнения, и мятеж мирский,/ и страстная взыгра́ния в ничтоже вменив,/ пустынный гражданин показался еси,/ многих быв наставник, Иосифе преподобне:/ монахов собратель и молебник верен,/ чистоты рачитель,/ моли Христа Бога спастися душам нашим.

<далее см. основной Чин>

[На Литургии](#)

[Изменяемое №20](#)

[Прокі́мен,](#) *глас 8:* Во всю зéмлю изы́де вещáние их/ и в концы́ вселéнныя глаго́лы их. *Стіх:* Небеса́ пове́дают сла́ву Бо́жию, творéние же руку́ его́ возвещáет твердь.

[Изменяемое №21](#)

Аллилуиа, *глас 1*: Исповедят небеса чудеса Твоя Господи, ибо истину Твою в церкви святых. *Стих*: Бог прославляемь в совете святых.

Изменяемое №22

Причастен: Во всю землю изыде вещание их: